

Til sunnudagsskólakennara.

Eins og þegar hefir auglýst verið, kemur ekki blaðið „Kennarinn“ fram sem lexíu-blað fyrir sunnudagsskólana. Verða þá forstöðumenn skólanna að velja sjálfrir lexíur, enda munu þeir hafa gert það all-víða hingað til, þrátt fyrir lexíuval „Kennarans“. En þeim til stuðnings, sem kynnu að æskja leiðbeininga í þessa átt, leyfi eg mér að benda á þetta: 1. „Ljósgeislar“ brúkist áfram bæði fyrir nýja smá-barna bekki og eins upp aftur fyrir að minsta kosti lægstu bekki barna þeirra, sem haft hafa þá þetta síðasta ár. Kennurum gefst þá enn þá betra tækifæri til þess að kenna meira af sögunum sjálfum, sem spjöldin eru að eins lítið brot úr, og eins láta börnin hafa meiri not af biblíusögu-spurningum þeim, sem eru á hverju spjaldí. Tala við börnin um þær, . Þau læra þær þá mun betur. Kennari, sem skilur köllum sína og er með alúð við verkið sitt, getur að minsta kosti í tvö ár notað spjöldin fyrir sömu börnum. — Skal þess getið, að ekki er óliklegt að nýir „Ljósgeislar“ komi út að ári og verði þá með litmyndum.

2. Næstu bekkjum fyrir ofan „Ljósgeisla“-bekkina má kenna úrval úr biblíusögum þeim, sem fermingarbörin eru látin læra. Vona eg, að biblíusögur með myndum, fyrir börn á þessu reki, komi út áður en langt um líður.

3. Fermd börn mætti svo láta lesa í nýja testamentinu, byrja á einhverju guðspjallinu og lesa það alt. Geta kennrarar þeirra barna hæglega útvegað sér bók með útskýringum sér til stuðnings. Hver prestur í kirkjufélaginu, sem leitað væri til, myndi hjálpa til með það. — Um lexíur úr gamla testamentinu er naumast að tala að svo stöddu. Þær geta ekki orðið kendar svo í neinu lagi sé, á meðan ekki er hægt að fá neina biblíu.

Óski einhver frekari upplýsinga eða leiðbeininga, er honum velkomið að skrifa mér, og skal eg svara eftir því sem eg best get og hefi vit á.

„Ljósgeislar“ fást eins og að undanförunu ljá hr. H. S. Bardal í Winnipeg, 10c. eintakið, þegar fleiri eru keypt í einu, eella 15c.

*N. Steingrímur Þorláksson,
Selkirk, Man.*